

欲待來年學道恐今年不測無常欲來日恐今宵身死失卻佳  
祥 管甚兒孫不了脫家緣街上恣意猖狂遣興雲遊水歷別  
是風光經過無窮勝景更那堪得到金方專一志鍊丹陽須繼  
重陽

蒙師父訓誨

邱劉譚馬四箇小仙蒙師釣出深淵到岸纔方磨琢取火搜煙  
澆柴痛加割切鍊頑心有似油煎說得做便常常屏氣似不能  
言 萬種千般鍛鍊賴予懣各各志確心堅苦處曾經樂處退  
步爭先惟恐猿顛馬劣見人人父母如然常忍辱處無爲清靜  
謹謹修仙

道藏輯要

丹陽神光燦

全

胃集七  
川十三

因夢作

時當春社菴裏閉眠夢魂飛上峯巔忽見山中神道萬萬千千  
箇箇無些喜色予閑問因何慘然聞此語便一齊大慟卻訴因  
緣 某等當元學道都緣謂貪盃愛戀腥膻罰做靈祇以是失  
了神仙如今纔方省悟便見他酒肉如冤須常避勸先生進道  
戒行精專

看圍碁

爭名競利恰似圍碁至於談笑存機口伴相謾有若蜜裏藏砒  
見他有些活路向前侵更沒慈悲誇好手起貪心不顧自底先  
危 深類孫龐鬪智忘仁義惟憑巧詐譏諛終日相征相戰無

暫閑時常存殺心打劫往來真須要便宜一著錯似無常限至  
扁鵲難醫

自詠

昔年在俗常用心機挑生剎死爲誰歡喜冤家惹得一向愚癡  
恰如飛蛾投火身焦爛猶自迷迷爭些箇被兒孫妻妾送了頭  
皮 因遇風仙開悟迴光照怨親不可相隨盡是狼蟲虎豹蛇  
蠍狐狸把似養他毒物又何如物外修持功行滿跨雲歸侍奉  
本師

昔年名利役碎頑心氣財酒色深沈方寸之間荆棘彷彿成林  
因遇風仙省悟覺從前罪業彌深便改正便改正改正改正改

道藏輯要

丹陽神光燦

全

胃集七  
三三

正 遊歷天心地肺結雲朋霞友月伴風鄰自有逍遙快樂絕  
盡搜尋假使貧人退道得榮華富貴人欽我不肯我不肯不肯  
不肯

山洞昔日火院中間千斤重擔常耽鎮日爭名競利嫉妬慳貪  
萬般憂愁思慮又何曾時暫心閑因箇甚養怨親人口二十有  
三 正在迷津受苦風仙至專專救度愚頑二載纔方省悟跳  
出鄉關如今逍遙坦蕩鍊身中七寶還丹功行滿訪蓬瀛再見  
師顏

山洞昔日名利忙忙身如著箭香獐心似湯煎火炙無暫清涼  
萬般憂愁思慮爲兒孫惱斷肝腸不知苦似遊魚在鼎尙自遊